

**MAJLIS PENGKISAHAN SEJARAH
JALAN TUANKU ABDUL RAHMAN
(BATU ROAD) KUALA LUMPUR**

Dirasmikan oleh

**Y.B. Dato' Abdul Kadir bin Haji Sheikh Padzir
Menteri Kebudayaan, Kesenian dan
Pelancongan Malaysia**

Pada

**Iasnin, 27 ogos 2001
Jam 9.15 pagi
di Panggung Coliseum,
Jalan Tuanku Abdul Rahman
Kuala Lumpur**

Anjuran

**ARKIB NEGARA MALAYSIA
Kementerian Kebudayaan, Kesenian dan Pelancongan
Malaysia**





Kata Alu-Aluan
**Menteri Kebudayaan, Kesenian
dan Pelancongan Malaysia**



*Assalamulaikum Warahmatullahi
Wabarakatuh dan Salam Sejabtera*

Terlebih dahulu saya ingin merakamkan ucapan tahniah kepada Arkib Negara Malaysia dan juga sokongan yang berterusan daripada Kementerian Kebudayaan, Kesenian dan Pelancongan Malaysia menganjurkan Majlis Pengkisahan Sejarah Jalan Tuanku Abdul Rahman (Batu Road) Kuala Lumpur ini.

Majlis ini memberi makna yang besar kerana ianya diadakan di bulan Karnival Jualan Mega Malaysia (KJMM) yang telah dilancarkan di Jalan Tuanku Abdul Rahman pada 4 Ogos 2001 yang lalu oleh Kementerian Kebudayaan, Kesenian dan Pelancongan Malaysia. Saya percaya pemilihan Jalan Tuanku Abdul Rahman adalah bertepatan sekali kerana suatu ketika dulu terkenal dengan nama Batu Road merupakan salah satu tempat tumpuan ramai untuk membeli belah atau disebut juga ‘shopping street’.

Sewajarnya kita harus menyingkap sejarah latarbelakang sesuatu tempat atau peristiwa jika kita ingin menghidupkan semula satu-satu perkara yang telah mula pudar. Justeru, majlis ini adalah wajar untuk memberi gambaran kepada seluruh rakyat Malaysia bahawa kembali membeli belah di sini bukanlah suatu saranan baru.

Saya berharap usaha murni Kementerian Kebudayaan, Kesenian dan Pelancongan dan kerajaan Malaysia untuk menarik lebih ramai pelancong sama ada dalam negari maupun luar harus mendapat sokongan dari pelbagai pihak. Dengan harapan juga untuk menjadikan Malaysia sebagai pusat membeli-belah di rantau Asia atau ‘Emporium Timur’ akan mendapat kejayaan yang baik.

Salam Hormat,

DATO' ABDUL KADIR BIN HJ. SHEIKH FADZIR



Kata Alu-Aluan
**Ketua Pengarah
Arkib Negara Malaysia**



Bismillahir Rahmamir Rahim dan Salam Sejahtera

Saya ingin mengambil kesempatan ini untuk menyatakan kesyukuran kehadrat Allah s.w.t. kerana Arkib Negara Malaysia dapat menganjurkan Majlis Pengkisahan Sejarah Jalan Tuanku Abdul Rahman (Batu Road) Kuala Lumpur dengan sokongan Kementerian Kebudayaan, Kesenian dan Pelancongan Malaysia.

Majlis ini yang diadakan sempena Bulan Karnival Jualan Mega Malaysia bertujuan mengenengahkan sejarah pembangunan dan perkembangan Jalan Tuanku Abdul Rahman yang memang dikenali sejak dahulu hingga sekarang sebagai pusat membeli belah yang begitu popular di Kuala Lumpur. Jalan ini yang dahulu dikenali sebagai Batu Road merupakan 'shopping street', turut menyaksikan banyak peristiwa penting seperti perarakan menyambut Hari Kemerdekaan pada 31 Ogos 1957 dan lain-lain.

Majlis Pengkisahan Sejarah Batu Road akan dijayakan oleh beberapa orang tokoh yang mempunyai hubungan rapat dengan perkembangan Jalan Tuanku Abdul Rahman. Dengan cara ini, kita akan mendapat tahu tentang perkembangan dan pembangunan Jalan Tuanku Abdul Rahman (Batu Road) melalui maklumat yang disampaikan oleh tokoh-tokoh berkenaan.

Dalam menjayakan Majlis Pengkisahan Sejarah ini, saya mengucapkan ribuan terima kasih kepada jawatankuasa-jawatankuasa yang terlibat dalam memastikan Majlis ini berjalan lancar. Saya juga mengambil kesempatan ini mengucapkan terima kasih kepada semua pihak yang turut menjayakan majlis ini.

Salam Sejahtera,

DATO' HABIBAH BTE. ZON

Objektif Program

- ▶ Untuk mempromosikan Jalan Tuanku Abdul Rahman sebagai satu destinasi popular pusat membeli belah dan pelancongan di Ibu Negara;
- ▶ Untuk mengumpul dan mendokumentasi maklumat berkaitan dengan perkembangan sejarah Jalan Tuanku Abdul Rahman (Batu Road) Kuala Lumpur sehingga kini bagi melengkapkan lagi maklumat yang sedia ada di Arkib Negara Malaysia dan menyimpannya untuk kegunaan generasi akan datang;
- ▶ Untuk memperkayakan lagi sumber dan maklumat sejarah mengenai tempat-tempat bersejarah di Malaysia berdasarkan pengalaman individu-individu yang terlibat atau mengetahui secara langsung tentang perkembangan sejarahnya; dan
- ▶ Untuk dijadikan sumber rujukan dan penyelidikan oleh generasi akan datang di Arkib Negara Malaysia.

Jalan Tuanku Abdul Rahman (Batu Road) Kuala Lumpur dari Segi Sejarah

Sejarah awal Kuala Lumpur bermula pada pertengahan abad ke 19. Pada ketika itu, Kuala Lumpur hanya merupakan sebuah kawasan hentian bot-bot yang melalui Sungai Kelang untuk membawa bekalan atau mengambil bijih timah dari lombong bijih yang baru dibuka di Ampang. Bagaimanapun, telah ramai orang Melayu terutamanya dari Sumatera mendirikan kampung-kampung dan membuka penempatan di sekitar Kuala Lumpur. Tempat yang menjadi tumpuan ialah di kawasan pertemuan Sungai Gombak dan Sungai Kelang iaitu persekitaran Jalan Raja, Jalan Tun Perak, Jalan Melayu dan Masjid Jamek. Salah satu kampung tersebut ialah Kampung Rawa yang terletak antara Jalan Tun Perak (dikenali dengan nama Jalan Jawa sebelum 1945, kemudian ditukar kepada nama Jalan Mountbatten) dan Jalan Gereja. Lokasi sebenar Kampung ini ialah berhampiran Masjid Jamek. Nama Kuala Lumpur asalnya mengambil sempena tempat pertemuan kedua-dua Sungai Kelang dan Sungai Gombak yang dikenali sebagai Lumpur (Mud) dan kemudiannya dipanggil Kuala Lumpur (Muddy Estuary).

Orang-orang Cina mula datang ke Kuala Lumpur mulai tahun 1857. Selepas kematian Kapitan Cina bernama Liu Ngim Kong pada tahun 1868, Yap Ah Loy telah dilantik menjadi Kapitan Cina ketiga. Sejak itu orang-orang Cina mula berhijrah ke Kuala Lumpur untuk bekerja di lombong-lombong bijih.

Pada awalnya, rumah-rumah kedai yang terdapat di sekitar Kuala Lumpur hanya terdiri daripada bangsal-bangsal kayu dan

berbumbungkan atap. Bermula tahun 1880an, barulah bangunan-bangunan ini dibina menggunakan simen dan batu. Semakin lama semakin banyak rumah kediaman dan kedai-kedai perniagaan didirikan. Penyediaan kemudahan tempat pejalan kaki (jalan kaki lima) mula dibina secara lebih teratur dan berbumbung di sepanjang deretan kedai perniagaan terutama di Batu Road atau Jalan Batu (kini Jalan Tuanku Abdul Rahman).

Batu Road (Jalan Tuanku Abdul Rahman) telah mula wujud dan dibina menjelang akhir abad ke 19. Dari sinilah bangunan-bangunan batu dan jalanraya bertar dan berbatu mulai dibina. Terdapat pendapat iaitu dari jalan ini nampak jelas Gua Batu yang terletak di sebelah utara yang sekarang ini dikenali sebagai 'Batu Caves'. Situasi-situasi yang dikaitkan dengan 'batu' ini turut menimbulkan andaian dan spekulasi yang cuba mengaitkannya dengan nama Jalan ini. Pada ketika itu, Batu Road bermula dari persimpangan Jalan Tun Perak dan Jalan Raja iaitu berdekatan Mahkamah Tinggi Kuala Lumpur hingga ke persimpangan Bulatan Jalan Pahang dan Jalan Ipoh. Pertukaran nama Batu Road kepada Jalan Tuanku Abdul Rahman mengambil sempena nama Duli Yang Maha Mulia Yang Dipertuan Agong Malaysia yang pertama. Pertukaran nama jalan ini dibuat pada awal tahun 1970an.

Pusat Membeli Belah dan Hiburan

Batu Road sejak dahulu lagi terkenal sebagai tempat tumpuan orang ramai membeli belah. Ini adalah kerana terdapat banyak deretan kedai-kedai perniagaan yang awal dibina oleh Inggeris melalui Jabatan Kerja Raya dan tauke-tauke Cina. Dalam masa yang sama, kedai-kedai perniagaan di sepanjang jalan ini turut menawar dan membekalkan

pelbagai barang keperluan dari dalam dan luar negara. Kepelbagaiannya barang yang dijual di sini berjaya menarik ramai orang untuk berkunjung di mana barang-barang yang dijual termasuklah pakaian, barang kosmetik, barang kemas, peralatan perhiasan, ukiran, kraftangan dan barang keperluan rumah. Terdapat juga kedai jahit, pusat membeli belah, kedai gunting, perabut, salun dan runcit yang sentiasa dikunjungi ramai. Pelbagai kemudahan lain turut disediakan dan dibangunkan oleh kerajaan di sepanjang Batu Road seperti restoran, hotel dan panggung wayang.

Tempat bermulanya Batu Road dan sekitarnya dari tahun 1895 hingga awal 1900, turut menempatkan pejabat-pejabat pentadbiran kerajaan Persekutuan Tanah Melayu, Chartered Bank, Kelab Selangor, ‘Padang’ tempat rekreasi, Mahkamah Tinggi, Pejabat Pos, Dewan Bandaran, ‘Sanitary Board Office’, Gereja St. Mary, Pejabat Ukur dan lain-lain. Maka tidak hairanlah kenapa Batu Road sangat digemari dan menjadi tumpuan orang ramai untuk berkunjung ke situ.

Selain dari pengunjung dapat membeli belah, mereka juga berpeluang untuk berhibur dan menginap di hotel-hotel yang disediakan. Salah satu tempat hiburan yang masih kekal hingga hari ini ialah Pawagam Coliseum atau lebih dikenali pada tahun 1920an sebagai ‘Coliseum Theatre’ dan Pawagam Odeon yang dibina pada tahun 1936 oleh arkitek AO Coltman of Booty and Edwards dengan Mr. Steen Sehested sebagai Jurutera dan Encik Bong Sin kontraktornya.

Bangunan Bersejarah

Di sepanjang Batu Road juga terdapat deretan kedai-kedai perniagaan dan bangunan konkrit yang dibina awal tahun 1900 yang mana

sebahagian besar masih kekal sehingga hari ini seperti Rex Hotel, Chortimall, Tivoli Hotel, K.S. Gill, Globe Silk Store, Kamdar, Capital Café, Kedai Kopi Odeon, Peiping Lacc, P.H. Hendry dan lain-lain. Bangunan Coliseum yang dibina pada tahun 1920 turut dilengkapi dengan hotel dan restoran. Binaan asal adalah merupakan sebuah Panggung Teater yang dimuatkan dengan pentas untuk persembahan secara langsung (live). Dalam tahun 1930an, persembahan Opera Melayu dan Bangsawan mengambil tempat di Panggung ini. Turut dipersembahkan ialah drama-drama Inggeris seperti Hamlet, Romeo and Juliet dan lain-lain. Hotel dan restoran ini, yang pada asalnya sebuah kedai ‘Bakery’ masih terus dikunjungi hingga hari ini. Selain itu masih terdapat banyak lagi bangunan asal kedai-kedai di sepanjang jalan ini yang terus kekal.

Nama Batu Road turut diabadikan kepada sebuah bangunan sekolah iaitu Sekolah Jalan Batu. Sekolah ini dibina pada tahun 1928 dan siap dalam tahun 1930. Arkitek bangunan ini ialah Hedges dan Kesteven yang mana pada ketika itu dikawal selia oleh Jabatan Kerja Raya atau Public Works Department (PWD). Kos pembinaan ialah RM 161,760.00 di mana kerja-kerja tapak bermula pada tahun 1926.

Rekabentuk dan Struktur Binaan

Struktur dan bentuk rekabina bangunan di sepanjang Jalan Tuanku Abdul Rahman ini kebanyakannya bermula lewat abad ke-19 dan awal abad ke-20. Ianya amat menarik kerana arkitek dan juruteranya memasukkan elemen-elemen binaan klasik Eropah terutamanya dari Greek dan Rom. Ini menjadi daya tarikan utama pelancong-pelancong dari dalam dan luar negara untuk berkunjung ke jalan ini, selain dari

tujuan membeli belah. Peningkatan teknologi dan hiasan binaan bangunan bersejarah yang terdapat di sekitar Kuala Lumpur terdapat juga di beberapa tempat seperti Pulau Pinang, Perak dan Selangor. Bangunan-bangunan lama ini harus dipelihara dan dikenalkan untuk menjadi daya tarikan utama pelancong ke negara ini.

Jalan Tuanku Abdul Rahman Sebagai Destinasi Membeli Belah dan Pelancongan

Usaha Kementerian Kebudayaan, Kesenian dan Pelancongan Malaysia untuk menjadikan Jalan Tuanku Abdul Rahman ini sebagai 'Shopping Street' Kuala Lumpur amat bertepatan dan patut mendapat sokongan dari pelbagai pihak. Ini kerana memandangkan jalan ini sejak dari dahulu hingga sekarang memang dikenali sebagai pusat membeli belah yang terkemuka di Ibu Kota. Dengan demikian pemilihan jalan ini sebagai tempat melancarkan Karnival Jualan Mega Malaysia tahun 2001 adalah amat bersesuaian dengan matlamat ini.

Inisiatif ini sudah tentu akan mengekal dan meningkatkan lagi kegemilangan dan keceriaan jalan ini sebagai tumpuan orang ramai untuk membeli belah dan melancong. Meskipun terdapat gedung-gedung dan kompleks membeli belah yang dibangunkan di sekitarnya hari ini, bangunan-bangunan lama yang menarik seni binanya terus utuh berdiri saling berganding dengan gedung-gedung moden yang besar dan pencakar-pencakar langit yang mencecah awan, menyemarakkan lagi keriuhan dan kesegaran di sepanjang jalan ini. Landskap yang menarik ini membuat orang ramai terus minat untuk mengunjunginya bukan sahaja bagi tujuan membeli belah tetapi juga bagi mengimbas nostalgia masa lampau, terutama bagi mereka yang

pernah singgah di sini. Justeru nama Jalan Tuanku Abdul Rahman akan terus unggul sebaris dengan nama-nama jalan di kota-kota besar dunia yang telah muncul sekaligus sebagai destinasi membeli belah dan pelancongan yang terkenal di seluruh dunia, seperti Oxford Street di London.

Aturcara

- | | |
|------------|--|
| 8.45 pagi | ► Ketibaan Jemputan |
| 9.15 pagi | ► Ketibaan Y.B. Dato' Abdul Kadir bin Haji Sheikh Fadzir
Menteri Kebudayaan, Kesenian dan Pelancongan Malaysia |
| 9.20 pagi | ► Bacaan Doa

► Ucapan Aluan Y.Bhg. Dato' Habibah Zon Ketua Pengarah, Arkib Negara Malaysia

► Ucapan Perasmian Y.B. Dato' Abdul Kadir bin Haji Sheikh Fadzir
Menteri Kebudayaan, Kesenian dan Pelancongan Malaysia |
| 10.00 pagi | ► Jamuan Ringan |
| 10.30 pagi | ► Majlis Pengkisahan Sejarah Jalan Tuanku Abdul Rahman (Batu Road) Kuala Lumpur |
- Tokoh:**
- i. Y.Bhg Tan Sri Dato' Dr. Abdul Majid bin Ismail
 - ii. Y.Bhg. Dato' Indera Pura G.S. Gill
 - iii. Y.Brs. Encik Tan Kim Bee
 - iv. Y.Brs. Tuan Haji Ahmad Tajuddin bin Haji Thamby
- Pengerusi:**
Y.Bhg. Tan Sri Dato' Elyas bin Omar
- | | |
|------------|--------------------|
| 12.45 tgh. | ► Majlis Bersurai. |
|------------|--------------------|

Biodata

Tan Sri Dato' Dr. Haji Abdul Majid bin Ismail

Tan Sri Dato' Dr. Haji Abdul Majid telah dilahirkan pada 15 November 1921 di Kuala Lumpur. Beliau telah mendapat pendidikan awal di sekolah-sekolah sekitar Kuala Lumpur, iaitu di Sekolah Melayu Segambut (1928), Maxwell School (1932) dan seterusnya pada tahun 1934, beliau telah bersekolah di Batu Road School. Pada tahun 1936, beliau menyambung pengajian di Victoria Institution dan seterusnya di King Edward VII, Singapura pada 1940-1942. Oleh kerana minat yang mendalam dalam bidang perubatan, beliau telah memasuki College of Medicine, Singapura pada 1946-1949 dan selanjutnya memasuki Fakulti Perubatan Universiti Malaya pada 1950 dan lulus M.B.B.S. Sebaik sahaja menamatkan pengajian di sana, beliau telah ditugaskan di Hospital Besar Kuala Lumpur sebagai Pegawai Perubatan sehingga Ogos 1953. Kemudian beliau mendapat tawaran untuk melanjutkan pelajaran di Royal College of Surgeon, Edinburgh sehingga tahun 1955 dan melayakkan beliau mendapat F.R.C.S. Edinburgh.

Setelah menamatkan pengajian di kolej tersebut, beliau telah ditugaskan di Hospital Besar Seremban, Negeri Sembilan sebagai doktor pakar dari Januari 1956 hingga September 1956. Tan Sri Abdul Majid menyambung lagi pengajian dalam bidang Ortopedik di University of Liverpool pada tahun 1957 dan lulus M.Ch.Orth. Liverpool. Setelah kembali ke tanah air, pada 1958 beliau dilantik sebagai Ketua Pakar Bedah Ortopedik Persekutuan Tanah Melayu, Hospital Besar Kuala Lumpur sehingga tahun 1969. Pada tahun 1970-1971 pula beliau telah dilantik sebagai Pengarah Perancangan

dan Penyelidikan, Kementerian Kesihatan. Kemudian sehingga tahun 1976 beliau dilantik sebagai Ketua Pengarah Kesihatan Malaysia.

Semasa sedang menuntut, Tan Sri Abdul Majid merupakan pelajar yang cemerlang sama ada dalam bidang akademik atau ko-kurikulum.

Penglibatan beliau yang aktif dalam kegiatan persatuan atau pertubuhan semasa di sekolah dan kolej/universiti serta kecemerlangan dalam bidang akademik telah membuka mata banyak pihak sehingga melayakkan beliau menerima pelbagai biasiswa untuk membayai pengajian. Pada tahun 1932-1939 beliau telah menerima biasiswa dari Jabatan Pendidikan Selangor manakala pada 1940 Kerajaan Negeri Selangor juga telah membayai beliau untuk menyambungkan pengajian di *King Edward VII College of Medicine* di Singapura. Pada tahun 1950 beliau terpilih sebagai *Queen's Scholar* dan pada 1963 pula, Tan Sri Abdul Majid dipilih sekali lagi sebagai *First Eisenhower Fellow* dari Malaya ke Amerika Syarikat.

Selain daripada tugas-tugas rasmi, beliau juga merupakan seorang doktor pakar. Dalam masa yang sama, Tan Sri Abdul Majid turut aktif di dalam kegiatan badan-badan berkanun dan profesional. Antaranya, beliau merupakan Timbalan Penggerusi/Naib Presiden kepada Majlis Kebangsaan Kebajikan Sosial Malaysia; Persatuan Dato'-Dato' DiRaja Malaysia; Persatuan Pegawai-Pegawai Kanan Kerajaan Melaya; Kelab Taman Perdana DiRaja; Timbalan Penggerusi Majlis Penyelidikan Perubatan Kebangsaan dan Ahli Lembaga Pemegang Amanah, Yayasan Kebajikan Kebangsaan. Beliau juga adalah Ahli Majlis Universiti Malaya dari 1 Januari 1959 hingga 1987; Ahli Majlis Universiti Kebangsaan Malaysia dari 18 Jun 1970 hingga 13 Mei 1978; Penggerusi Majlis Universiti Malaya pada 15 Mei 1978-14 Mei 1987; Presiden Majlis Malaysia untuk Pemulihan; Ahli Lembaga Pemegang Amanah, Persatuan Perubatan Malaysia; Ahli Dewan DiRaja Selangor dari 1 Januari 1996 hingga 31 Disember 1998; Presiden Yayasan Sultan Abdul Aziz; Penggerusi Jawatankuasa Kehidupan Kampus, Universiti

Malaya (1973); Ahli Lembaga Pelawat Hospital Besar Kuala Lumpur; Pengurus Yayasan Jantung Malaysia; Naib Presiden Pertubuhan Eisenhower Fellows Malaysia dan Fellow Yayasan untuk Sains Perubatan, Akademi Sains Malaysia.

Di samping itu, beliau juga merupakan pengasas dan merangkap Timbalan Presiden kepada beberapa badan berkanun yang lain. Antaranya ialah Kolej Pakar Bedah Malaysia; Pertubuhan Ortopedik Malaysia; Pertubuhan Ortopedik ASEAN; *Western Pacific Orthopedic Association* dan *Malaysian Association of Sport Medicine*.

Setelah bersara, Tan Sri Abdul Majid telah melibatkan diri dalam bidang perniagaan sama ada sebagai pengurus, pengarah atau pemegang saham syarikat. Syarikat-syarikat tersebut antaranya ialah Syarikat Endah Sari Sdn. Bhd.; Inti Universal Holdings Berhad (Inti College) dan lain-lain.

Justeru, bagi mengenang jasa dan sumbangan beliau terhadap masyarakat, Tan Sri Abdul Majid telah dikurniakan pelbagai anugerah dan pingat. Antaranya adalah Pingat Pekerti Terpilih (PPT), Negeri Sembilan (1965); Johan Mangku Negara (JMN) dari DYMM Seri Paduka Baginda Yang di-Pertuan Agong (1965); Dato Seri Maharaja DiRaja Selangor dari DYMM Sultan Selangor (1966); Dato Seri Paduka Setia Mahkota Kelantan (SPSK) dari DYMM Sultan Kelantan (1972); Panglima Setia Mahkota (PSM) yang membawa gelaran Tan Sri dari DYMM Seri Paduka Baginda Yang di-Pertuan Agong (1973) dan Seri Sultan Salahuddin Abdul Aziz Shah (SSSA) dari DYMM Sultan Selangor pada tahun 1985.

Tan Sri Dato' Dr. Haji Abdul Majid memenuhi masa lapang beliau dengan bermain golf di samping berkebun dan bermain catur. Beliau mendirikan rumah tangga bersama Puan Sri Datin Khairany Mahyuddin dan dikurniakan seorang anak lelaki dan dua orang perempuan.

B i o d a t a

Dato' Indera Pura Gurdial Singh Gill

Dato' Indera Pura G.S. Gill telah dilahirkan pada tahun 1924. Beliau mendapat pendidikan awal di Methodist Boys' School, Kuala Lumpur dan kemudiannya menyambungkan pelajaran di Goon Institution. Beliau lulus peperiksaan A.C.C.A pada tahun 1951. Beliau telah mula berjinak-jinak dalam bidang perniagaan sejak tahun 1946 terutamanya dalam perniagaan basikal dan bahan makanan. Kemudian, secara beransur-ansur beliau menjalankan perniagaan peralatan sukan yang diimport dari luar negeri. Bagi memperkuuhkan lagi perniagaan beliau, Dato' Indera Pura G.S. Gill telah membuka sebuah kedai di Jalan Tuanku Abdul Rahman dan mula mengorak langkah dengan menjual peralatan sukan ke sekolah-sekolah dan institusi sukan.

Berkat dari usaha yang gigih dan minat yang mendalam dalam bidang perniagaan, beliau terus memperkuuhkan kedudukan kedai dan syarikat beliau yang diberi nama G.S. Gill Sdn. Bhd. Syarikat ini telah diberi kepercayaan untuk menjadi penaja utama kebanyakan kejohanan sukan termasuklah kejohanan yang dianjurkan oleh Persatuan Bola Sepak Malaysia (FAM) sejak 28 tahun lepas; Persatuan Hoki Malaysia sejak 7 tahun yang lalu; Persatuan Tenis Malaysia sejak 5 tahun lepas, atlet Paralimpik Malaysia dan banyak lagi. Selain daripada itu, syarikat ini juga turut menguruskan Kejohanan Tenis All Malayan Indo Ceylonese dari tahun 1947 hingga 1958 dan Kejohanan Tenis Malayan Malays pada 1955-1958.

Walaupun Dato' Indera Pura G.S. Gill sentiasa sibuk menguruskan perniagaan, namun beliau masih mampu meluangkan masa untuk

melibatkan diri dalam kegiatan sosial terutamanya kerja-kerja amal yang melibatkan sekolah dan rumah anak-anak yatim. Beliau merupakan Presiden *Methodist Boys School Old Boys' Association* dan Pengurus *Methodist Boys' School Building Committee* yang bertanggungjawab menguruskan pembinaan sebuah bangunan empat tingkat yang bernilai RM 4.5 juta. Beliau juga dilantik sebagai Naib Presiden *Tatt Khalsa Building Fund*, iaitu sebuah badan kebajikan yang berjaya menyiapkan satu bangunan enam tingkat yang menelan belanja RM 4.5 juta. Bangunan ini telah dibuka secara rasmi oleh Y.B. Datuk Seri S. Samy Vellu pada 13 April 1996. Di samping itu, beliau juga merupakan Ahli *Indian Scholarship Student Fund* yang memberikan 85-90 biasiswa setahun kepada pelajar yang kurang berasas baik di Malaysia. Suruhanjaya Tinggi India merupakan pemegang amanah dana ini. Sejak 35 tahun lepas beliau turut menjadi ahli pertubuhan amal *Rotary Club DiRaja Kuala Lumpur*.

Dato' Indera Pura G.S. Gill merupakan pengasas dan pengaju *Malayan Sikh Education Aid Fund* yang menyediakan tabung/dana untuk membiayai kanak-kanak yang kurang berasas baik sehingga membolehkan mereka menyambung pengajian di luar negeri. Seramai 176 orang pelajar telah berjaya dihantar ke luar negeri atas biayaan tabung ini dan setelah kembali ke tanah air mereka menjadi golongan profesional. Beliau juga turut memberikan idea untuk menubuhkan dana yang dikenali sebagai *Madam Prem Kaur Foundation*, iaitu bersempena dengan nama ibu beliau yang telah banyak membantu kanak-kanak berbilang kaum menyambungkan pelajaran terutamanya dalam bidang perubatan, kejuruteraan dan undang-undang.

Beliau juga merupakan Setiausaha Kehormat *Selangor Indian Chamber of Commerce and Industry* sejak 11 tahun lepas dan Presiden *Selangor Indian Chamber of Commerce* sejak 5 tahun lalu. Beliau juga pernah dipilih sebagai Setiausaha Kehormat *All Malaysian Indian Chamber of Commerce* selama 8 tahun. Malah, beliau turut dilantik sebagai Pengarah *Malaysian-German*

Chamber of Commerce and Industry sejak tahun 1994. Selain daripada itu, beliau juga merupakan Ahli Majlis Ekonomi Kebangsaan selama 2 tahun dan Ahli Persekutuan Pertubuhan Pengilang-Pengilang Malaysia.

Pada tahun 1987 beliau telah mengiringi Y.A.B Perdana Menteri, Datuk Seri Dr. Mahathir Mohamad ke Pakistan dan pada tahun 1988 pula ke Australia dan New Zealand.

Justeru, bagi mengenang jasa dan sumbangan yang cukup besar kepada masyarakat, beliau telah dianugerahkan pingat Jaksa Pendarmai (JP) pada tahun 1976 dan pada tahun 1977 beliau telah diberi gelaran Dato' oleh DYMM Sultan Selangor. Manakala pada tahun 1988 beliau telah dikurniakan pingat Johan Mangku Negara (JMN) oleh DYMM Seri Paduka Baginda Yang di-Pertuan Agong.

Bi o d a t a

Tan Kim Bee

En. Tan Kim Bee telah dilahirkan di Jalan Ipoh, Kuala Lumpur pada 4 Jun 1929. Namun begitu, beliau telah dibesarkan di Jalan Batu setelah keluarga beliau berpindah ke sana dan seterusnya ketika berumur empat atau lima tahun, sekali lagi mereka berpindah, iaitu ke Jalan Chow Kit. Selepas kematian bapa beliau pada tahun 1939, beliau bersama keluarga telah berpindah ke *Perkins Road* yang sekarang ini lebih dikenali sebagai Jalan Raja Alang sehingga tahun 1980an.

Beliau mendapat pendidikan awal di Batu Road School pada 1936. Semasa pendudukan Jepun di Malaya, beliau telah bersekolah di sekolah Jepun, iaitu di St. John's Institution dari tahun 1942 hingga 1944 dan kemudian di Railway Training School. Selepas pihak Jepun menyerah kalah, beliau menyambung kembali pelajaran di Victoria Institution dari tahun 1945 hingga 1948.

Pada tahun 1949-1952, En. Tan Kim Bee meneruskan pengajian di Kuala Lumpur Technical College. Selepas mendapat tawaran pekerjaan sebagai Pembantu Teknik di Majlis Perbandaran Kuala Lumpur, beliau telah mendapat Biasiswa Persekutuan untuk menyambung pengajian di Universiti Otago, New Zealand dalam bidang Kejuruteraan Perlombongan pada 1953-1957.

Setelah kembali ke tanah air pada 1957, beliau ditawarkan kerja sebagai Jurutera Lombong di sebuah lombong timah di Sungai Lembing, Pahang yang dippunyai oleh *Pahang Consolidated Company Ltd.* Pada tahun 1958 beliau memasuki Perkhidmatan Awam iaitu

di bawah Jabatan Galian sebagai Pegawai Pemeriksa Galian. Beliau bersara dari Perkhidmatan Awam pada 1984 sebagai Ketua Pengarah Jabatan Galian.

En. Tan Kim Bee adalah seorang penggiat dan ahli sukan yang aktif. Pada 1946, beliau telah menceburui sukan angkat berat sebagai memenuhi hobi beliau. Pada tahun 1950, beliau mewakili Malaya dalam kategori *light-heavyweight* di dalam *British Empire Games* di Auckland, New Zealand dan mendapat pingat gangsa. Dalam Sukan Olimpik 1956 di Melbourne, Australia, beliau menduduki tempat keenam dalam kategori *middle-heavyweight*. Pada April 1958, beliau mewakili Malaya dalam Sukan Asia di Tokyo, Jepun dan mendapat pingat gangsa dalam kategori *middle-heavyweight*. Pada bulan Julai tahun yang sama, beliau menyertai Sukan Komanwel di Cardiff, Wales, United Kingdom dan mendapat pingat perak dalam kategori yang sama.

Bagi mengenang jasa dan sumbangan beliau dalam bidang pekerjaan dan sukan, En. Tan Kim Bee telah dianugerahkan Pingat Jaksa Kebaktian (PJK) oleh Sultan Perak pada tahun 1960an. Pada tahun 1983 pula beliau telah dianugerahkan pingat Johan Mangku Negara (JMN).

Beliau telah berkahwin dengan Puan Cheah Bee Choo pada 1959 dan dikurniakan tiga orang anak perempuan. Sekarang ini beliau menetap di Bukit Damansara, Kuala Lumpur.

Bi o d a t a

Haji Ahmad Tajuddin bin Haji Thamby

Haji Ahmad Tajuddin telah dilahirkan di Kajang, Selangor pada 16 Mac 1924. Beliau merupakan cicit angkat kepada Haji Taib yang merupakan salah seorang yang terlibat secara langsung dalam pembangunan bandar Kuala Lumpur. Beliau mendapat pendidikan awal di Sekolah Melayu Kajang, Selangor dan seterusnya menyambungkan pelajaran di High School Kajang, Selangor pada 1935. Apabila keluarga beliau berpindah ke Kuala Lumpur pada pertengahan 1935, beliau meneruskan pelajarannya di High School Klang. Beliau lulus *Senior Cambridge* pada tahun 1941.

Sebaik sahaja menamatkan persekolahan, Haji Ahmad Tajuddin terus memohon pekerjaan dan ditawarkan sebagai kerani oleh *Federated Malay State Railway (FMSR)* bertempat di Ipoh, Perak. Walau bagaimanapun, setahun kemudian beliau telah dipindahkan ke Gemas, Negeri Sembilan setelah dilantik sebagai Pengawal (*Guard*). Pada pertengahan tahun 1942, sekali lagi beliau terpaksa berpindah tempat kerja iaitu ke Alor Setar, Kedah. Pada tahun 1945 pula, beliau terpaksa bertugas di Kuala Lumpur Railway dan seterusnya pada tahun 1955, Haji Ahmad Tajuddin terpaksa sekali lagi merantau ke Tumpat, Kelantan kerana ditugaskan di sana. Pada tahun 1959 beliau telah ditugaskan di ibu pejabat FMSR, Kuala Lumpur. Pada tahun 1978 Haji Ahmad Tajuddin kembali bertugas di Ampang, Selangor setelah dinaikkan pangkat sebagai Ketua Stesen sehinggalah beliau bersara pada tahun 1979.

Di samping menjalankan tugasannya harian beliau sebagai kakitangan FMSR, Haji Ahmad Tajuddin juga turut aktif dalam persatuan atau kegiatan sosial terutamanya yang melibatkan FMSR. Pada tahun 1955 beliau telah dilantik sebagai Setiausaha ‘*Trade Union*’ Cawangan Kuala Lumpur. Selain daripada itu, pada tahun yang sama juga beliau turut dilantik sebagai Ahli Jawatankuasa Persatuan Melayu Keretapi (PERKAP). Beliau juga pernah menjadi peserta seminar *International Federation Trade Union* di New Delhi, India pada tahun 1964.

Haji Ahmad Tajuddin telah berkahwin dengan Puan Embok Chik bte. Mohd Lebar dan dikurniakan seorang anak lelaki.

**Jawatankuasa Induk
Pengkisahan Sejarah
Jalan Tuanku Abdul Rahman (Batu Road)
Kuala Lumpur**

Pengerusi

Y.Bhg. Dato' Habibah Zon

Ketua Pengarah, Arkib Negara Malaysia

Setiausaha

Puan Nor Kamisah Yusoff

Arkib Negara Malaysia

Ahli-Ahli

Y.Bhg. Dato' Meor Chek

Hussein Mahayuddin

Ketua Polis, Kuala Lumpur

En. Muhd Johari Hj. Shaarani

Istana Budaya, Kuala Lumpur

En. Syarifuddin Ibrahim

Dewan Bandaraya Kuala Lumpur

Puan Hajah Halimah Salam

Pustaka Peringatan Kuala Lumpur

En. Mahayuddin Abd.Rahman

Kementerian Kebudayaan,

Kesenian dan Pelancongan

Encik Mohd Johari Hj. Shaarani

Istana Budaya Kuala Lumpur

En. Jeffri bin Munir

Lembaga Penggalakan Pelancongan

Malaysia

Alexander Wong

Akademi Seni Kebangsaan

Puan Chin Low Jyoon

Perpustakaan Negara Malaysia

Puan Hajah Rahani Jamil

Arkib Negara Malaysia

En. G. Alphonso

Arkib Negara Malaysia

Tn. Hj. Shamsi Hj. Shariff

Arkib Negara Malaysia

Puan Saudah Abdul Manaf

Arkib Negara Malaysia

En. Mohd Nasir Ismail

Arkib Negara Malaysia

En. Amir Md. Wal

Arkib Negara Malaysia

En. V. Ramachandran

Pengurus Pawagam Coliseum,

Kuala Lumpur

En. Edwin T.L. Choo

Persatuan Penjaja dan Peniaga

Kecil Kawasan Chow Kit,

Kuala Lumpur

En. Jimmy Ku Gee Teck

Persatuan Penjaja dan Peniaga

Kecil Kawasan Chow Kit,

Kuala Lumpur

**Jawatankuasa Kerja
Pengkisahan Sejarah
Jalan Tuanku Abdul Rahman (Batu Road)
Kuala Lumpur**

Pengerusi

Puan Hajah Rahani bte. Jamil
Timbalan Ketua Pengarah
Arkib Negara Malaysia

Setiausaha

Encik Amir bin Md Wal

Ahli-Ahli

Encik G. Alphonso
Tuan Haji Shamsi bin Haji Shariff
Encik Mohd Maidin bin Hussin
Puan Nozahriah bte. Md. Razali
Puan Faridah bte. Ishak
Puan Yatimah Rimun
Encik Mohd Nasir bin Ismail
Puan Nor Kamisah bte. Yusoff
Puan Roseline Mapong Anak Sabai
Puan Wan Faridah Hanim bte. Wan Omar
Puan Saudah Abdul Manaf
Cik Shahida bte. Mohamed Salleh

Sekalung Budi

Y.B. Dato' Abdul Kadir bin Haji Sheikh Fadzir
Menteri Kebudayaan, Kesenian dan Pelancongan Malaysia
Y.M. Dato' Tengku Alauddin bin Tengku Abdul Majid
Ketua Setiausaha Kementerian Kebudayaan, Kesenian dan
Pelancongan Malaysia
Y.Bhg. Tan Sri Dato' Elyas bin Omar
Y.Bhg. Tan Sri Abdul Majid bin Ismail
Y.Bhg. Dato' G.S. Gill
Y. Brs. Tan Kim Bee
Y.Brs. Tuan Haji Ahmad Tajuddin bin Haji Thamby
Kementerian Kebudayaan, Kesenian dan Pelancongan Malaysia
Lembaga Penggalakkan Pelancongan Malaysia
Istana Budaya Jalan Tun Razak
Akademi Seni Kebangsaan
Ibu Pejabat Polis Kuala Lumpur
Dewan Bandaraya Kuala Lumpur
Pustaka Peringatan Kuala Lumpur
Perpustakaan Negara
Pawagam Coliseum Jalan Tuanku Abdul Rahman
Persatuan Penjaja dan Peniaga Kecil Kawasan Chow Kit,
Kuala Lumpur
Akhbar dan Media Tempatan
Coliseum Café Kuala Lumpur

Dan

Semua pegawai dan kakitangan Arkib Negara Malaysia serta
perkumpulan dan orang perseorangan yang terlibat secara langsung
atau tidak langsung di dalam menjayakan Majlis Pengisahan
Jalan Tuanku Abdul Rahman (Batu Road)

Autograf

Autograf

Autograf